

1248, octubre, 24

L'abadessa Berenguera de Sant Daniel ven al vestuari del seu monestir el mas Viader de Flaçà pel preu de mil sous melgoresos, que són aplicats a satisfer la compra feta a Ramon Andreu d'un camp situat a Vilablareix.

ASD núm. 147, perg. orig., 275 x 230 mm. Còpia: Llibre 11, ff. 248-249.

Sit notum cunctis quod ego Berengaria, Dei gratia Sancti Danielis abbatissa, per me et per omnes illas qui me succedere debent, consilio et uoluntate conuentus eiusdem loci, non ui compulsa nec aliquo dolo uel fraude inducta, set bono animo et spontanea uoluntate, ob maximam utilitatem uendo et cum hac presenti publica carta ualitura in perpetuum trado loco uestiarii eiusdem nostri predicti monasterii et tenentibus locum eius in perpetuum totum mansum Berengarii Uiaderii de Flociano integre qui est in predicta parrochia, qui mansus est monasterii Sancti Danielis, quem Ugo de Ceruiano predicto monasterio dedit racione filie sue Raimunde. Predictum uero mansum, cum exitibus et ingressibus suis et hominibus et feminis, et terris cultis et heremis, et possessionibus et bonis, et arboribus fructiferis et infructiferis, pratis, pascuis, terciis et laudimiis, censibus et usaticis et agrariis, foriscapiis, iouis, traginis placitis et stabilimentis, questis, toltis, forciis, acapitis et omnibus aliis iuribus et omnium rer:um dominiis et quicquid aliud quod ibi accipiam et accipere debeam quoquo modo, iuste uel iniuste, tam racione dominii et proprietatis quam aliquo alio modo, cum omnibus melioramentis ibi factis et de cetero faciendis, cum omnibus aliis in se habentibus sibique qualicumque modo pertinentibus, prout melius potest dici uel intelligi ad omnem proficuum et utilitatem dicti uestiarii ut melius ego dictum mansum cum omnibus eius ego habeo et teneo, dicto uestuario perpetuo uendo pro precio mille solidos malgorenses, quos habuimus et recepimus ego et alie domine racione uestiarii mihi et aliis dominabus predicti monasterii dati et quos mille solidos consilio et uoluntate predicti conuentus dono in uenditione campi Gigini qui emptus a Raimundo Andrea constat mille .DCCC. solidis, de quibus .M. solidis predictis a dicto uestuario me habeo per paccatam, renunciando exceptioni non numerate peccunie. Et si amplius ualet dicta uenditio predicto precio uel ualebit, totum gratis et ex certa sciencia predicto uestuario dono, renunciando expresse auxilio et beneficio illius legis qua deceptis ultra dimidiam iusti precii succurritur; et ideo de meo iure ac potestate predicta omnia extraho, et in. ius, potestatem et dominium dicti uestiarii in perpetuum induco et in presenti in corporalem et uacuam possessionem dictum uestiarium uel locum eius tenentem mito ad habendum et tenendum et omni tempore possidendum ad omnes uoluntates dicti uestiarii uel locum eius tenentis omni tempore faciendam sine aliquo retentu quem ibi uel inde non facio, omnibus meis uocibus et rationibus et earum omnium que locum meum succendent perpetuo extinctis et penes dictum uestiarium uel tenentem locum eius remanentibus et translatis; et sic conuenio per me et per omnes tenentes locum meum uel mihi succedentes predictam uendicionem dicto uestuario facere dicto uestuario habere et tenere in pace contra cunctam uiuentem personam, et de euictione et de omni

interesse oblico dicto uestiario uel locum eius tenenti me et omnes mei succedentes et omnia mea bona dicto monasterio quoquo modo ubique pertinencia, et si aliquo iure scripto uel non scripto, publico uel priuato, legali uel diuino, humana, eclesiastico uel ciuili, generali uel speciali uel excepcione uel occasione aliqua in futurum huic contractui obuiam ire passem, illi iuri penitus renuncio.

Actum est hoc .VIII. kalendas nouembris anno Domini .MCCXL. octauo.

+Berengaria, Dei gratia Sancti Danielis abbatissa*. Signum Guilielme de Torrente, sig+num Raimunde de Palaciolo, sig+num Berengarie de Sancto Stephano, sig+num Beatricis de Paleria, sig+num Ermesendis de Darnils, sig+num Agnetis de Scala, sig+num Ermesendis de Letone, sig+num Berengarie de Uillaromano, monialium qui hoc firmamus et laudamus. (s. man.) Bernardus de Balneolis, testis. Sig+num Petri Ollerii, sig+num Petri Matfre de Sancto Martina Ueteri, sig+num B. de Quintana de Uilaunant, testium.

Sig(s. man.) Berengarii Egidi, qui hoc scripsit mandato Bernardi de Uicco, publici Gerunde notarii cum suprascripto in .XIII. linea ubi dicit "possessionem", die et anno quo supra. Ego Bernardus de Uicco, publicus Gerunde notarius subscrivo.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 303-305